

※經典原文

二、《大智度論》卷13〈1 序品〉(大正25, 158a12-27)：

如佛子羅睺羅，其年幼稚，未知慎口。

人來問之：「世尊在不？」詭^[1]言：「不在。」

若不在時，人問羅睺羅：「世尊在不？」詭言：「佛在。」

有人語佛。佛語羅睺羅：「澡槃^[2]取水，與吾洗足！」

洗足已，語羅睺羅：「覆此澡槃^[3]！」如勅即覆。

佛言：「以水注之！」注已，問言：「水入中不？」答言：「不入！」

佛告羅睺羅：「無慚愧人，妄語覆心，道法不入，亦復如是！」

如佛說：「妄語有十罪，何等為十？一者、口氣臭；二者、善神遠之，非人得便；三者、雖有實語，人不信受；四者、智人語^[4]議，常不參豫^[5]；五者、常被誹謗，醜惡之聲周聞天下；六者、人所不敬，雖有教勅^[6]，人不承用^[7]；七者、常多憂愁；八者、種誹謗業因緣；九者、身壞命終，當墮地獄；十者、若出為人，常被誹謗。」^[8]

如是種種不作，是為不妄語，名口善律儀。

[1] 詭(《ㄨㄟˋ》)言：假稱，謊稱。(《漢語大詞典》(十一)，p.189)

[2] 槃=盤【宋】【元】【明】【宮】*。(大正25, 158d, n.6)

[3] 槃=盤【宋】【元】【明】【宮】*。(大正25, 158d, n.6-1)

[4] 語=謀【宋】【元】【明】【宮】【石】。(大正25, 158d, n.7)

[5] (1) 參豫(𠂔): 見“參與”。(《漢語大詞典》(二), p.848)

(2) 參與: 預聞而參議其事; 介入, 參加。(《漢語大詞典》(二), p.846)

[6] (1) 勅: 同“敕”。(《漢語大字典》(一), p.371)

(2) 教敕: 教誡, 教訓。(《漢語大詞典》(五), p.449)

[7] (1) 承: 2. 接受, 承受。(《漢語大詞典》(一), p.770)

(2) 承用: 因襲, 沿用。(《漢語大詞典》(一), p.771)

[8] 參見《分別善惡報應經》卷下:「妄語報有十種。何等為十? 一、口氣恒臭, 二、正直遠離, 三、諂曲日增, 四、非人相近, 五、忠言不信, 六、智慧尠少, 七、稱揚不實, 八、誠語不發, 九、愛論是非, 十、身謝惡趣。」(大正1, 899b23-26)